

欽定四庫全書薈要

子部
雜藝類

吉林出版集團有限責任公司
海天出版社

目次

書名	卷次	頁次	作者
御定書畫譜	卷六五—卷八七		清・康熙四十七年聖祖仁皇帝御定
卷六五 歷代無名氏畫上		二八三一—	
卷六六 歷代無名氏畫下		二八三一—三〇	
卷六七 御製書畫跋		二八三一—四六	
卷六八 歷代帝王書跋		二八三一—五五	
卷六九 歷代帝王書跋		二八三一—八三	
卷七〇 歷代名人書跋一		二八三一—九二	
卷七一 歷代名人書跋二		二八三一—一二三	

書名	卷次	頁次	作者
卷七十二 歷代名人書跋三 卷七三 歷代名人書跋四 卷七四 歷代名人書跋五 卷七五 歷代名人書跋六 卷七六 歷代名人書跋七 卷七七 歷代名人書跋八 卷七八 歷代名人書跋九 卷七九 歷代名人書跋一〇 卷八〇 歷代名人書跋一一		二八三一—一五六 二八三一—一九三 二八三一—二三七 二八三一—二六四 二八三一—二九一 二八三一—三三一 二八三一—三七二 二八三一—四一三 二八三一—四五九	

書名	卷次	頁次	作者
卷八一 歷代名人畫跋一		二八三十四九二	
卷八二 歷代名人畫跋二		二八三十五二四	
卷八三 歷代名人畫跋三		二八三十五五〇	
卷八四 歷代名人畫跋四		二八三十五八〇	
卷八五 歷代名人畫跋五		二八三十一六〇五	
卷八六 歷代名人畫跋六		二八三十一六三四	
卷八七 歷代名人畫跋七		二八三十一六七三	

欽定四庫全書薈要

子部
御定書畫譜卷六十五

御定佩文齋書畫譜卷六十五

欽定四庫全書薈要卷一萬一千三百九十七
子部

歷代無名氏畫上



殷

九主圖

伊尹從湯言素王及九主之事注劉向別錄曰九主者有法君專君授君勞君等君寄君破君國君三歲社君凡九品圖畫其形
史記殷本紀

欽定四庫全書

御定書畫譜
卷六十五

周

周公相成王圖

孔子觀乎明堂觀四門墉有周公相成王抱之負斧扆南面以朝諸侯之圖焉
家語

周公圖

有周盛時褒賞功德或藏在盟府或紀於太常或銘於昆吾之鼎獨周公有大勲勞於天下迺繪象於明堂之墉
家語

詳校官兵部主事臣雷純

穆王八駿圖

舊稱周穆王八駿日馳三萬里晉武帝時所得古本乃穆王時畫黃素上為之腐敗昏潰而骨氣宛在逸狀奇形寔亦龍之類也 郭若虛圖畫見聞志

漢

周公負成王圖

上使黃門畫者畫周公負成王朝諸侯以賜光顏師古注曰黃門之署職任親近以供天子百物在焉故

欽定四庫全書

御定書畫譜 卷六十五

亦有畫工

漢書霍光傳

休屠王關氏圖

金日磾母教誨兩子甚有法度上聞而嘉之詔圖畫於甘泉宮署曰休屠王關氏日磾每見畫常拜鄉之涕泣然後迺去 漢書金日磾傳

趙充國圖像

此即未央宮功臣圖之一也

初充國以功德與霍光等列畫未央宮成帝時西羌嘗有警上思將帥之臣追美充國迺召黃門郎楊雄

即充國圖畫而頌之 漢書趙充國傳

吳孫子兵法圖

吳孫子兵法八十二篇圖九卷師古曰孫武也 漢書藝文志

齊孫子圖

齊孫子八十九篇圖四卷師古曰孫臏 漢書藝文志

楚兵法圖

楚兵法七篇圖四卷 漢書藝文志

欽定四庫全書

御定書畫譜 卷六十五

孫軫圖

孫軫五篇圖二卷 漢書藝文志

王孫圖

王孫十六篇圖五卷 漢書藝文志

魏公子圖

魏公子二十一篇圖十卷名無忌 漢書藝文志

黃帝圖

黃帝十六篇圖三卷 漢書藝文志

風后圖

風后十三篇圖二卷黃帝臣依託也 漢書藝文志

鵠治子圖

鵠治子一篇圖一卷 漢書藝文志

鬼容區圖

鬼容區三篇圖一卷師古曰即鬼吏區也 漢書藝文志

別成子望軍氣圖

欽定四庫全書

御定書畫譜

卷六十五

四

別成子望軍氣六篇圖三卷 漢書藝文志

鮑子兵法圖

鮑子兵法十篇圖一卷 漢書藝文志

伍子胥圖

伍子胥十篇圖一卷 漢書藝文志

苗子圖

苗子五篇圖一卷 漢書藝文志

耿昌月行帛圖

耿昌月行帛圖二百三十二卷 漢書藝文志

後漢

兵雲圖

楊申有兵雲圖時實憲將兵在外太守高安遣工從

申寫圖以進 益州耆舊傳

胡廣黃瓊畫像

熹平六年靈帝思感舊德乃圖畫廣及太尉黃瓊省

內詔議郎蔡邕為頌 後漢書胡廣傳

欽定四庫全書

御定書畫譜

卷六十五

五

蔡邕畫像

邕死年六十一縉紳諸儒莫不流涕兗州陳留聞皆

畫像而頌焉 後漢書蔡邕傳

陳紀畫像

紀字元方寔之子也遭父憂雖衰服已除而積毀消

瘠殆將滅性豫州刺史嘉其至行表上尚書圖象百

城以厲風俗 後漢書陳紀傳

三君畫像

陳寔子紀紀弟諱父子並著高名時號三君注先賢行狀曰豫州百城皆圖畫寔紀諱形像焉後漢書陳紀傳

延篤畫像

延篤遭黨事禁錮卒於家鄉里圖其形於屈原之廟注屈原抱忠貞而死篤有志行文章故圖其像而偶之焉後漢書延篤傳

高彪畫像

欽定四庫全書
御定書畫譜 卷六十五

高彪遷內黃令帝敕同僚臨送祖於上東門詔東觀畫彪像以勸學者後漢書文苑傳

李業畫像

公孫歆以李業為博士持毒酒切令起業飲毒死蜀平光武下詔表其閭益部紀載其高節圖畫形像後漢書獨行傳

許楊畫像

建武中汝南太守鄧晨署許楊為都水掾復修鴻卻

陂後卒晨於都宮為楊起廟圖畫形像百姓思其功皆祀之後漢書方術列傳

楊疎畫像

安帝時蜀郡夷叛益州刺史張喬遣從楊疎擊破之疎厚加慰納餘種皆降論功未上會疎病創卒張喬深痛惜之乃刻石勒銘圖畫其像後漢書南蠻傳

賴鄉孔子像

漢桓帝立老子廟於苦縣之賴鄉畫孔子像於壁孔

疇為陳相立孔子碑於像前魏志倉慈傳注

鴻都文學圖贊

樂松江覽為鴻都文學詔勅中尚書為松等三十二人圖象立贊後漢書陽球傳

孝女叔先雄像

孝女叔先雄父泥和墮湍水尸喪不歸雄於父墮處投水死後六日與父相持浮於江上郡縣表之為雄立碑圖像其形焉後漢書列女傳

皇甫規妻畫像

皇甫規妻為董卓所酷罵卓死卓車下後人圖畫號為禮宗云後漢書列女傳

李剛石室畫像

鉅野黃水南有荊州刺史李剛墓其碑有石闕祠堂石室三間椽架高丈餘鏤石作椽瓦屋施平天造方井側荷梁柱四壁隱起雕刻為君臣官屬龜龍麟鳳之文飛禽走獸之像作制工麗不甚毀傷水經注

欽定四庫全書

御定書畫譜

卷六十五

魯恭祠廟畫像

隸續作魯峻石壁殘畫象

戴延之西征記曰焦氏山北數山有漢司隸校尉魯恭冢前有石祠石廟四壁皆青石隱起自書契以來忠臣孝子貞婦孔子及弟子七十二人形像像邊皆刻石記之文字分明水經注

武梁祠堂畫像

自伏羲至於夏桀齊公至於秦王管仲至於李善及萊子母秋胡妻長婦兒後母子義漿羊公之類合七

十六人其名磨滅初無題識者又八十六人隸續雍丘令畫像

所存者八車十三馬末有一車不全見車上之人十有六馬上之人四奔走於車馬之前者四人隸續

孔子見老子畫像

人物七車二馬三標榜四惟老子後一榜漫滅孔子面右顴鴈老子面左曳曲竹杖中間復有一鴈一人俛首在鴈下一物拄地若扇之狀石有裂文不能詳

欽定四庫全書

御定書畫譜

卷六十五

九

辨侍孔子者一人其後雙馬駕車車上一人馬首外向老子之後一馬駕車車上亦一人車後一人回首向外史記魯昭公孔子一乘車兩馬一豎子同南宮敬叔適周問禮於老子此畫聖與兩驂似是据此隸續

功曹史殘畫像

功曹史殘畫像為傍行者四第一行凡五車中車而坐者一人御者亦一人自第二車後復有一人踵其

後右執杖左執一物如扇之狀最後別有一人石缺不能盡見第二行導者二人左執管而吹之其右則石缺凡三車車後不復有人最後又一車纔見其馬之半第三行導者四人右持鏡左執管凡兩車最後又一車則見其人之半面第四行一人乘馬在前次二車其前車亦有一介隨其後最後又一車亦見其馬之半車各一馬有蓋左方通下三行為一可見者二大車後有二馬奴隸凡六人其前則缺矣隸續

欽定四庫全書

御定書畫譜
卷六十五

伏尉公墓中畫像

在資州內江縣蜀人謂之燕王墓人物未知何据漢隸字原

蜀郡石室老子畫像

漢畫老子於蜀郡石室有聖人氣象想去古近當是也朱帝畫史

朱浮墓石壁畫

濟州破朱浮墓有石壁上刻車服人物平生隨品所

乘曰府君作令時車是曲轅駕一馬車輪略離地上
一蓋坐一人三梁冠面與馬尾平對自執綏馬有裙
遮其尾一人御又曰作京兆尹時四馬轅小曲車差
高蓋下坐儀衛多有曰鮮明隊又某隊隊十人騎馬
作一隊內一隊背持鏡多不能紀也從者皆冠朱帝畫史

麒麟鳳凰碑

麒麟鳳凰碑凡二石其像高二尺餘圖寫甚有生意

欽定四庫全書

御定書畫譜
卷六十五

所題四字顏大

隸釋

山陽麟鳳碑瑞像

右鳳而左麟其下各刻一贊其陰又刻銘辭隸續

益州太守無名碑

益州太守碑以朱雀為額龜蛇為趺龍虎銜壁在其
兩旁隸釋

益州太守碑陰

碑刻五玉三獸下有牛首蜀中漢碑如是者有柳敏

碑陰馮緄墓道雙排六玉碑又有單排六玉碑與此

凡四柳敏馮緄兩碑六者皆同此碑無橫單排碑兩

橫而無瑁碑有瑁者三獨無六器之琥爾此碑刻瑁

圭璋於上琮璧於下其中則鼎列三獸柳敏碑則一

禽圖於首一獸為之跌六玉之中其下一牛首六玉

之下又刻兩獸有一人跨其右者單排碑則上朱雀

而下玄武其六玉則右璋左圭又雙橫相向如珮次

之璧與琮又次之蜀人名之單排六玉未知何人冢

欽定四庫全書

御定書畫譜
卷六十五

十三

前物也此碑之圭瑁馮緄之璧琮橫則白餘皆黑也

緄墓前又有一碑亦上朱雀而下玄武其中無文謂

之六物碑

隸釋

李翕五瑞碑

所圖者黃龍白鹿連理嘉禾有一人承甘露於喬木

之下

隸續

穀阮君神祠碑

阮君祠今謂之五部神廟其像有石隄西戎樹谷五

樓先生東臺御史王翦將軍集古錄

廣漢屬國造橋碑

有二人坐於上若賓主之容蓋辛李二君也中有一

器其後有使令者二人畫像之下橫刻二君官氏

隸

是邦雄桀碑額

以天祿為額其下刻一牛首又有碑陰上朱雀而後

玄武其中則沒字碑也

隸釋

欽定四庫全書

御定書畫譜
卷六十五

十三

不其令董恢闕

此闕刻一冢冢上三物植立若木葉然二男子拜於

前其後有一婦人二稚子又有六婦人魚貫於後冢

旁有一大樹其下有一馬立於木下及馬後者各一

人馬前有數物如雞鶩之狀者

隸釋

不其令董君闕所畫者子孫展墓之狀

隸釋

雒陽令王稚子二闕

雒陽王稚子二闕其上各刻車馬之狀一則二人乘

馬一則二人乘車 隸釋

豫州刺史路君畫像

豫州前後各一人執杖負劍字立東部之前亦一人執杖負劍又有一人正面立腰下垂佩兩手各有所執末亦一人執杖負劍而其前又有一人側面嚮字立手中亦有所執蓋是墓前雙闕如王稚子高貫方之類 隸續

處士金恭闕

欽定四庫全書 御定書畫譜 卷六十五

此石圭首甚銳其上刻三足鳥其下有一人執扇而

乘馬兩旁有螭銜環近歲出於雲安軍土中 隸釋

沛相范君闕畫像

三車四馬人物九凡三段 隸續

鄧君闕畫像

二車五馬人物十四凡三段 隸續

魏君闕畫像

人物五飛鳥一凡二段 隸續

黃尚石闕

印縣有黃家墓墓前有雙石闕雕制甚工俗謂之黃

公石闕黃公名尚為漢司徒 水經注

成王周公畫像

成王周公畫像君臣侍御凡九在其後者一馬 隸續

交趾都尉沈君二神道

今在梁山軍其上各刻朱雀其形相向下又刻龜蛇

虎首所畫甚工 隸釋

欽定四庫全書 御定書畫譜 卷六十五

無名人墓闕畫象

三車六人皆駕一馬乘馬於車前者一人橫旗於車

後者二人 隸續

人物碑

所勒皆車馬人物或云古者修車馬備器械之圖也

輿地碑目

郭巨墓石室畫

郭巨墓在平陰縣東北官道側冢上有石室制作工

巧其內鑄刻人物車馬似是後漢時人所為金石錄

授經圖

後漢永平七年明帝夢金人既寤以問羣臣傅毅對曰臣聞西方有神其名曰佛陛下所夢將必是乎因詔使者秦景等十四人如天竺至月支遇沙門攝摩騰竺法蘭等傳其經像摩騰竺法蘭入漢獻經像圖人物十有一治平丁未在山陽傳史中輝家藏本云其本搨成都佛寺古殿畫壁相傳漢魏間筆觀其衣冠服用若後魏周隋制度疑彼時畫工初意所造耳

欽定四庫全書

御定書畫譜
卷六十五

十六

蘇魏公集

魏

賈逵像

賈逵死豫州吏民追思之為刻石立祠青龍中帝東征乘輦入達祠詔曰昨過豫州見賈逵碑像念之愴然魏志本傳

倉慈畫像

倉慈為燉煌太守卒官吏民悲感圖畫其形思其形象魏志本傳

吳

邵疇畫像

邵疇為會稽太守郭誕功曹誕以不白妖言見收疇為已罪自殺以證之孫皓嘉疇節義詔郡國圖畫形廟堂吳志孫皓傳注

黃蓋畫像

欽定四庫全書

御定書畫譜
卷六十五

十七

蓋病卒官國人思之圖畫蓋形四時祠祭吳志黃蓋傳

張溫中妹畫像

溫姊妹三人皆有節行為溫事已嫁者皆見錄奪其中妹許嫁丁氏成婚有日遂飲藥而死鄉人圖畫為之贊頌云吳志張溫傳注

蜀漢

譙周圖

益州刺史董榮圖畫周像於州學命從事李通頌之
蜀志本傳注

晉

陸雲畫像

陸雲為浚儀令去官百姓追思之圖畫形像配食縣社
晉書陸雲傳

陶侃畫像

陶侃薨故吏刊石碑畫像於武昌西
晉書陶侃傳

欽定四庫全書

御定書畫譜
卷六十五

六

爾雅圖

郭璞注釋爾雅別為音義圖譜
晉書郭璞傳

爾雅圖十卷郭璞撰
隋書經籍志

宋纖圖

宋纖敦煌效穀人不應辟命太守楊宣畫其象於閣上出入視之作頌贊焉
晉書隱逸傳

山海圖

陶淵明讀山海經詩云汎覽周王傳流觀山海圖
陶

淵明集

誌公像

誌公碑在齊州章丘縣常白山醴泉寺中碑陰有誌公像
金石文字記

葛稚川像

在蒼溪縣雲臺之書巖
法帖神品目

鹵簿圖

晉鹵簿圖一卷
隋書經籍志

欽定四庫全書

御定書畫譜
卷六十五

十九

趙

西門豹祠殿基記

建武六年造其下刻物像甚多如土長強良顧章舒

悽崔之類其名頗異
金石錄

涼

靖恭堂圖

涼昭王立靖恭堂圖畫讚自古聖帝明王忠臣孝子烈士貞女親為序頌以明鑒戒之意
北史李延壽自

序傳

宋

劉韞出行函簿圖

韞為明帝所寵在湘州雍州使善畫者圖其出行函簿羽儀常自披翫 宋書宗室傳

王寬圖

王寬玄謨子為隨郡太守棄郡自歸以母在西為賊所執請西行襲破隨郡收其母明帝嘉之使圖寬形

欽定四庫全書

御定書畫譜
卷六十五

以上

南史王玄謨傳

齊

功臣圖

上圖功臣像讚劉僧副亦在焉 南史劉善明傳

孝子圖

王慈年八歲外祖施寶物恣所取慈取素琴石硯及

孝子圖 南史王慈傳

西郎士林圖

齊竟陵王子良開西邸延才俊以為士林使工圖其像 南史王亮傳

豫章郡明堂畫

王綸之為豫章太守圖畫陳蕃華歆謝鯤像於郡朝堂 南史王綸之傳

七寶畫圖扇

丘巨源詠七寶畫圖扇詩云表裏縷七寶中銜駭雞珍畫作景山樹圖為洛水神 古詩紀

欽定四庫全書

御定書畫譜
卷六十五

梁

張緬像

張緬居憲司號為勁直武帝乃遣圖其形於臺省以勵當官 南史本傳

馮道根像

馮道根字巨基廣平鄆人天監十六年復為豫州將行武帝引朝臣宴別道根於武德殿召畫工使圖其形 南史本傳

夏侯亶像

夏侯亶字世龍天監中為吳興太守在郡有惠政吏

人圖其像立碑頌美焉

南史本傳

柳仲禮圖

梁武帝思柳仲禮使畫工圖之

南史柳慶遠傳

樂賢堂圖

昭明太子起樂賢堂使先圖孝緯

南史劉孝緯傳

康絢像

欽定四庫全書

御定書畫譜
卷六十五

三

絢字長明華山藍田人身長八尺容貌絕倫雖居顯

職猶習武藝帝幸德陽殿戲馬敕絢馬射撫弦貫的

觀者悅之其日上使畫工圖絢形遣中使持以問絢

曰卿識此圖不其見親如此

南史康絢傳

陳

鹵簿圖

陳鹵簿圖一卷

隋書經籍志

後魏

李平孔子及七十二子圖 履虎尾圖

李平行相州事圖孔子及七十二子於堂親為立讚

前來臺使頗好侵取平乃畫履虎尾踐薄冰於客館

注頌其下以示誠焉

魏書李平傳

劉道斌像

劉道斌在恒農修立學館建孔子廟堂圖畫形像去

郡故吏追思之復立道斌形於孔像之西而拜謁焉

北史本傳

欽定四庫全書

御定書畫譜
卷六十五

三

嵩陽寺碑佛相

碑上截刻佛相雕鏤層疊佛相隆起餘地鐫平

嵩陽

石刻記

捍虎圖

太平真君五年上御虎園敕虎士効力生制猛獸故

魏有捍虎圖

水經注

後周

楊震像